

松滋縣志卷之二

建置志

國家分建郡縣俾各有土宇內外相輔小大相維固欲使磐石封圻金甌并牧其城池公廨壇廟郵驛津梁衢道及樓閣亭館諸建設次第就舉翼翼維新非以表大觀示壯麗也綱之紀之而臨政親民祀神濟人利物之謀悉入良有司之精神以時爲擘畫志建置

城池

松滋縣志

卷之二

建置志

一

松城北濱大江三面距陸當黔蜀往來之衝通志云松滋故城在今縣西宋紹興間遷縣治東南二里之灑口卽今治明成化十二年始築土城周五里高一丈二尺爲門四置樓其上池濶二丈五尺深八尺嘉靖三十四年知縣張家傳甃以石張太岳有碑記崇禎間知縣何志孟重砌以磚越三年乃成十七年春獻賊夷爲平地順治初復經崗蠻土司奉例安插拆毀無餘舊址沒於荒煙蔓草中者幾二十餘載縣治寓居鐵觜岡康熙六年丁未知縣屈超乘奉檄議修尋以事去



十年辛亥知縣李子琰始率湖居之民還城稍繕完之而規制未備十三年甲寅吳三桂盤踞松滋枝江等縣而城復頽圯如故己未蕩平後以瘡痍甫定修築未遑二十三年甲子知縣陳麟捐貲修葺積十三載之久始復舊制立四門東曰來遠門南曰南門今為引西曰西門北曰拱極門池浚丈餘設弔橋長四丈許寬二丈壘石為磴規制大備承平日久積漸崩缺又值盛漲水浸圯壞益多道光二十七年丁未知縣陸錫璞集紳民捐修躬率首士李宗望龍

松滋縣志

卷之二

建置志

二

鴻祥等督工城基用石裂缺者以磚新之加高者五尺許其城堞城樓皆新建出入水道二閘口皆疏通無滯二十九年己酉告竣刊有碑記

東門前距龍頭橋至朱家埠東通府治南通常澧

南門前臨鳴鳳山路通枝宜入川孔道

西門前距演武場路通羊角洲董市等處

北門瀕江路通萊洲百里洲等處

公廨

松滋縣署在城正中明洪武初建嘉靖中增修崇禎末

燬康熙六年知縣屈超乘奉檄建尋以事去十年知縣李子琰葺治之二十三年知縣陳麟甫蒞任捐貲修葺建譙樓於縣治前正堂後曰退食堂堂西爲架閣庫兩廊爲六房儀門外東爲土地祠寅賓館西爲獄悉如舊制道光二十七年知縣陸錫璞因三堂四堂朽敝原棟上題李子琰修乃康熙十一年也已近二百年矣改造俱作五間較舊增廓焉

頭門廣三間高一丈八尺前有照牆高一丈三尺廣二丈左右木柵

松滋縣志

卷之二 建置志

三

儀門廣三間高一丈九尺門外東爲福神祠三間寅賓

館一間又東爲縣前驛馬王廟二間西爲常平倉六間監

獄所五間門內植戒石亭兩序分置吏舍各六間由左廂

長道達戎廳卽今典吏署由右廂長道達糧廳今廢

正堂廣三間高二丈三尺站廳稱是西爲庫神祠祠

右爲豐裕庫二間由正堂而入爲宅門左右翼以門房

內外各二間進爲穿堂爲二堂高二丈餘左右有書室東

爲花廳三間二堂後爲退食堂五間東有庖湑從房西有

書廊幕館退食堂後爲內宅五間傍有譙樓以望江名

高三丈許今廢週環以垣抵北城

縣丞署由正堂儀門內左廂轉入即戎廳署堂三間內
室二重明末缺裁署廢今為典史署門亦改由儀門
外人

主簿署由正堂儀門內右廂轉入即糧廳署堂三間內
室二重明末缺裁署廢

布政分司在縣治東久廢

按察分司在縣治東久廢

教諭署詳學校志

松滋縣志 卷之二 建置志

四

訓導署詳學校志

磨盤洲巡檢司署在縣南六十里近多水患署已崩塌

巡檢贄居民房為官舍

紅崖寨巡檢司署在縣南百里代設巡檢以路近蠻崗

稽查往來缺裁久廢

典史署詳前

城守營把總署在縣治西有正廳後廳各三間庖福馬

廐略備門前有射圃

府館在縣東久廢

行臺在縣治北街正廳三楹後堂三間西有從房庖湏之室前爲大門臨街有東西轅門

浣市新塲公館各一所道光二十八年知縣陸錫璞建修

陰陽學在縣治西久廢

醫學在縣治東

僧會司久缺無考

道會司久缺無考

書院詳學校志

松滋縣志

卷之二 建置志

五

試院詳學校志

演武廳在北門外久廢

附養濟院久廢 道光二十三年邑紳耆趙運炳王光

烈楊榮易昌棫李其泰公同捐購治東瓦房三重前後九間房契呈縣立案

原額孤貧男婦五名每名日給銀七釐小建扣除閏月加增實徵口糧銀五兩四錢四分七釐不敷銀在司庫請領道光九年郡守裕謙增設額外孤貧四十名捐銀一千兩發典生息每月息銀十二兩繳縣支

發每名每月三錢

按養濟院宋曰安養明改今名陸清獻曰官舍皆
邑所不可廢也而養濟院尤不可不加意焉文王
發政施仁必先鰥寡孤獨此非其一端耶

附

育嬰堂在磨盤市西劍峯山同治二年耆民譚國明
捐膳田十石零四斗取租爲育嬰費知縣黃燮清詳
府立案諭首士樊純緒唐于盛胡世愈楊光輝彭秀
鍾桂遷升等經理併各捐貲襄助

街衢

松滋縣志

卷之二

建置志

六

城內分東西南北街各一居民環列爲廛

東街 巷三

仁威巷

養濟巷

慈孝巷

南街 巷二

上明巷

趙家巷

西街 巷四

德義巷

蓮池巷

牌坊巷

衙前巷

北街 巷二

孝義巷

趙家巷

古樓街 巷一

節孝巷

松滋縣志

卷之二 建置志

七

里社坊九

孝義坊

治東

慈孝坊

治南 東

登雲坊

古樓 旁

廣慶坊

治西

德義坊

治西

衛武坊

治西

上明坊

治南

孝義坊

治北

福德坊

治北

綽楔

附

父子進士坊

為謝珊與其子謝佑建

童子登科坊

為田瓊建

父子解元坊

為王本義與其子王之相建

節孝坊

在城者四在鄉者采訪未盡登冊難以備錄
旌表者例得建坊

樓亭

附

望江樓在縣署後今廢

登雲樓

詳壇廟

松滋縣志

卷之二

建置志

八

棲霞樓

詳古蹟

觀德亭知縣鄒永年建久廢

鳴鳳亭在南門外今廢

南極亭

詳古蹟

寅賓館

詳公廨

雲聯塔在東門外學田岡上道光二十八年知縣陸錫

璞建

倉廩

常平倉

康熙間知縣陳麟重修置縣前計六間

預備倉

在縣東父子解元坊旁今廢

南米倉

計六間

漕米倉

舊廢康熙間知縣陳麟修置城隍廟內今廢

下船倉

在縣治西三里橋頭河今廢

便民倉

知縣陳麟重修

縣城社倉一座

馬家橋社倉一座

磨盤洲社倉一座

斯家場社倉一座

松滋縣志

卷之二

建置志

九

紙廠河社倉一座

草坪社倉一座

楊林子社倉一座

澧市社倉一座

新場社倉一座

西齋社倉一座

街河子社倉一座

以上社倉皆廢

驛站

縣前驛在縣署東

澧市三縣驛在縣東六十里

縣前澧市二驛額設站馬四十匹馬夫二十名擺站排夫十名除奉撥五名協濟

潘家溪驛在縣西三里久廢

鍾祥麗陽驛外實存排夫五名增夫三十名

縣前驛西至宜都川江驛九十里山路崎嶇東至澧市驛原程六十里因江隄疊潰原路水衝現繞行八十里

澧市驛東行過荆江至江陵荆南驛二十里南至公安

松滋縣志

卷之二

建置志

十

孱陵驛原程六十里現因隄潰衝沒繞行九十里

攷松滋歷代驛路不通南北而東西則為要道舊設

二驛澧市三縣驛城西潘家驛西上枝宜則於三縣

驛起由本縣潘家驛至枝江換馬夫東下江公則於

潘家驛起由三縣驛至江公換馬夫雍正二年枝江

縣令陳惠榮詳准各憲嗣後運解餉鞘着松滋經送

宜都無庸波及枝江永為定例

鋪遞共一十二鋪

鋪司四十名係徭編鋪兵三十二名永充

總鋪鋪司五名鋪兵四名東一十五里至龍潭鋪鋪司五名鋪兵一名一十

三里至朱家鋪鋪司三名 一十七里至江亭鋪鋪司三名

鋪兵一名 一十三里至龍華鋪鋪司三名 一十三里至采

穴鋪鋪司三名 一十五里至陶家鋪鋪司三名 一十

五里至史家鋪鋪司三名 一十三里達江陵縣古牆

鋪

總鋪西一十三里至紅溪鋪鋪司三名 一十八里至虎

頭鋪鋪司三名 一十五里至石撒鋪鋪司三名 一十

五里至洋溪鋪鋪司三名 一十五里達枝江石鼓鋪

鋪司每年工食銀共二百三十八兩四錢六分八釐並

松滋縣志 卷之二 建置志 十一

無鋪田鋪房咸豐八年正月奉部文裁汰鋪司改爲

馬遞酌留工食銀四十七兩六錢九分四釐裁減銀

一百九十兩七錢七分四釐

松治北瀕川江南連諸湖東接江陵西通巫夔郵傳

之在荆南者入蜀則由松遞宜入黔則由公傳澧順

治十三年丙申大兵取黔南適值公安紀湖隄大潰

水沒驛路當事者籌之不得已乃紆百里而假道於

松馬匹議協濟倒斃議買補夏秋由松冬春由公按

時分遞特一時權宜計耳歲久成例松民病焉康熙

壬子知縣李子琰自鐵背岡始遷入城松士民彭昇等呈請驛路宜復原額以甦民困縣令申詳院臺疏題奉

旨俞允松滋仍應東西郵遞後因滇寇竊據松滋六載己未春順承郡王南征公人復援順治丙申分遞例固爭知縣張聯芳力爲松民請命疊詳上臺檄道府妥議咸云孫黃孱陵二驛俱隸公安較近百里既奉

俞旨無容更端公人始不復饒舌矣

舊志

驛道之變自道光十二年始先是羽書上下由涇市

松滋縣志

卷之二

建置志

三

驛經草坪達城十二年驛西隄潰路爲水衝改由圭形隄咸豐十年江陵隄潰倒漾之水衝刷圭形隄口數十餘丈疊經縣令捐貲飭該地紳耆築橋步遞便之而馬遞終爲險途今則路愈頽圯橋亦無基可築咸豐十一年知縣汪維誠乃於采穴分置短驛權爲接引之計

向例西藏及四川雲貴等省公文係由陝西行走同治元年陝道阻塞於同治二年二月初一日起改由東路繞行縣前涇市二驛過荆江旋於同治四年七

月奉文停止仍由陝道行走

津梁

荆江渡

三水渡南北河黃田山河三水合流勢甚湍急

裴家河渡河水流漸非舟楫不可渡

虞氏渡在縣南六十里世傳虞舜南巡過此南宋時有
虞渡寺乾隆間改爲關壯繆祠今北岸巨碑有虞渡
古蹟四字

松滋渡在縣西一里一名灌子口劉禹錫竇常王十朋

松滋縣志

卷之二

建置志

三

陸游俱有詩見藝文

錦雞渡在縣東南七十里

老湖渡在縣南四十五里

營川古渡在縣南洛溪河

澧市渡在縣東六十里

采穴渡在縣東四十五里

高家套渡在縣東三十里

磨盤洲二渡上渡市人設中渡黃氏設

紙廠河渡沈氏設

雷井口義渡在縣南百里

雲臺義渡在雲臺山前大溪中周姓捐田三石二斗

荆江救生船奉文設二隻往來巡遊以資防檢

上明橋在縣治南街跨學前溪

東門橋

西門橋

南門橋 以上三橋康熙時設立吊橋長四丈許寬二

丈許以備烽煙之警今非舊製橋墊以石長丈許寬

五六尺

松滋縣志

卷之二

建置志

古

湘王橋在草坪明湘獻王柏建

三里橋在縣東道光二十四年重修

天星橋在縣南二里

安遠橋在縣東南五里

通濟橋在縣東五里

高橋在縣東四里

隄首橋在縣東五里舊板橋明宏治間典史張璉墊以

石正德間縣丞徐雄重修

景山橋在縣治東北通江水今廢

花溪橋在縣西五里

洋溪橋在縣西四十里接枝江壤以橋爲界明萬曆初
修道光三年重修

大橋在縣東二十里乾隆間邑人楊懷萬重修繼經夏
姓重修未竣鄭士哲重修越三載告成邑拔貢龐洵
有碑記

五里鋪橋在縣東二十五里一名渡南橋

官橋在縣南雲臺山下舊已傾圯道光二十六年里人
募修工未半而輟邑紳謝觀察元淮捐貲續修石磴

松滋縣志

卷之二

建置志

五

石梁寬丈餘長六丈餘南連澧州界

馬家橋在縣東南四十里

斷山橋在縣東南三十里

王家橋昔名萬里橋在縣東南六十里

周南橋在縣東南六十五里

金山橋在縣南七十五里大金山下爲東南一路要津

通德橋在縣南岳龍山下

瑞五橋在縣南龍骨山下

雙龍橋在縣南祿馬寺旁

永興橋在縣東五十九里

謝鳳橋在縣東五十五里驛程要道明諸生謝鳳建故名

雍睦橋在縣南百二十里三台河

石子灘橋在縣東南百二十里東連公安界南連澧州界

周姬橋在黃土坡東接公安界

李家橋在縣西三十里

界溪橋在松澧交界處

松滋縣志

卷之二

建置志

去

壇廟

社稷壇在西門外乾隆二年重修

壇崇三尺四出陛各二級東西二丈五尺南北如之
壇下前九丈五尺東西南各五丈繚以周垣門四由
北入其位北向東社西稷石主高二尺五寸方一尺
埋於壇南正中去壇二尺五寸止露圓尖神牌二以
木爲之一題縣社之神一題縣稷之神朱質青字高
二尺二寸濶四寸五分厚九分座高四寸五分臨祭
設於壇上祭畢藏神廚歲春秋仲月上戊日致祭祭

品用帛一色黑羊一豕一爵三尊一太羹釧二和羹簋二黍稷

籩二稻籩四棗栗形豆四韭菹菁菹醢醢鹿脯無鹿或用麋兔正印官

主事教官糾儀生員充禮生掾史執事雞初鳴朝服

咸集迎神奠帛獻爵初獻奠於中亞讀祝三獻微饌獻左終獻右

送神望瘞行三跪九叩禮會典

風雲雷雨山川城隍壇在南門外乾隆二年重修

宋時風師雷師雨師各為壇附於社壇明洪武三年

令有司立風雲雷雨壇於城西南以春驚蟄日祭立

山川壇於西北以秋分日報祀六年始合祭風雲雷

松滋縣志 卷之二 建置志 七

雨山川於一壇八年又以城隍附焉其位南向木主

三中為風雲雷雨之神左為山川之神題主上加松滋境內四字

右為城隍之神題主上加松滋縣三字壇制與社稷壇略同但

從南門入

國朝因之每歲春秋仲月上旬擇日合祭之祭品中位

用帛四左位帛二右位帛一色俱白每位各爵三釧一

簋二籩二籩豆各四案前設俎陳羊一豕一又前設

香案一陳祝文行三獻禮如社稷壇儀禮通

欽定祭文維年月日某官致祭於 風雲雷雨山川城隍之

神曰維神贊襄天澤福佑蒼黎佐靈化以流形生成
永賴乘氣機而鼓盪溫肅攸宜磅礴高深長保安貞
之吉憑依鞏固實資捍禦之功幸民俗之殷盈仰
神明之庇護恭修歲祀正值良辰敬潔豆籩祇陳牲
幣尙饗

先農壇在南門外雍正五年建道光二十五年知縣陸
錫璞重修

雍正四年禮部遵奉議覆

敕下各省守土官共舉耕藉之禮爲百姓祈禱秋成仿照京

松滋縣志

卷之二

建置志

六

師典制

頒發壇祠度數俾各州縣擇東郊官地潔淨豐腴者立爲藉
田準九卿所耕畝數爲一田四畝九分於其所建壇
一成高二尺一寸方廣二丈五尺後爲正殿中置先
農牌位每歲仲春亥日地方官朝服致祭品儀與社
稷壇同奠瘞畢換朝服出詣田所引老農行耕藉禮
正印官秉耒佐貳執箱播種耆老一人牽牛農夫一
人扶犁九推九返農夫終畝耕畢官率老農望

闕行三跪九叩禮其農具色皆用赤牛用黑箱用青所盛

子種以本處土宜歲收穀卽以供祭祀之用會典
欽定祭文維年月日某官致祭於先農之神曰維神肇

興稼穡立我蒸民頌思文之德克配彼天念率育之功陳常時夏茲當東作咸服先疇洪惟

九五之尊歲舉

三推之典恭膺守土敢忘勞民謹奉彝章聿修祀事惟願五風十雨嘉祥恒沐夫

神庥庶幾九穗雙歧王瑞頻書夫大有尙饗

附迎春禮立春先期塑造土牛芒神於東郊前一日

松滋縣志

卷之二

建置志

九

知縣率僚屬常服出郭用鼓樂迎至縣門外土牛南向芒神在東西向立春日早陳設香燭酒果各官具朝服行一跪三叩禮輿昇土牛芒神行香亭鼓樂前導各官朝服後隨至東郊各官執綵仗環立土牛兩旁贊擊鼓樂工播鼓贊鞭春各官環擊土牛三禮畢各退會典

邑厲壇

久缺

壇制與社稷壇略同每歲清明中元十月朔日祭無祀鬼神先期三日主祭官齊沐更衣備香燭酒果詣

城隍發告文至日設城隍位於壇上羊一豕一設本縣境內無祀鬼神位於壇下左右各用羊一豕一割置器中同羹飯鋪設各位鬼神前飯米三石香燭酒楮隨用贊禮二人引主祭陪祭官行禮如制

厲壇祭文

維年月日官某謹以香楮牲醴之儀肇舉賑孤祀典致告於

本縣城隍之神曰惟

神德合坤元功參造化萃英靈於物表正直無私彰

松滋縣志

卷之二

建置志

三

感應於人間昭明有赫夫陰陽本無二理人鬼各有攸司屬在閭閻責爲民牧凡諸泉壤端賴神庥俯念松邑幅員衝廣或名賢旣逸而令德靡傳或勛業堪旌而聲聞不錄或勤勞懋著而血食難邀或堯獨堪嗟而蒸嘗久絕茲當春露秋霜不堪餒而在天高地厚甯或遺之今值清明中元肅將小祀敬求

明神鑒此微忱恩施庶類主持壇壝召蒿里之咸來遍惠寒漿致幽泉之畢達俾物無疵厲變理而成太和國有盈甯保佑而迎善氣顯微俱格古今爲昭

庶

國朝之大典不虛而夜臺之哀號不作謹告

文廟 詳學
校志

武廟在治東康熙三十四年知縣陳麟建雍正五年知縣李鼎增修後殿乾隆二十二年知縣王潮重修後樓五十八年知縣張統緒重修殿宇廊廡邑舉人龐作霖撰有碑記

宋崇甯元年封關聖爲忠惠公大觀二年加封武安王建炎二年加封壯繆武安王淳熙十四年封英濟王

松滋縣志

卷之二 建置志

三

元天歷元年封顯靈威勇武安英濟王明初不仍元封稱漢前將軍壽亭侯嘉靖十年始訂其誤改稱漢前將軍漢壽亭侯 考漢壽地名今四川廣元縣亭侯爵名專稱壽亭侯非 萬歷二十三年進爵爲帝廟白英烈四十二年勅封三界伏魔大帝神威遠鎮天尊關聖帝君

國朝順治元年定每年五月十三日致祭九年

勅封忠義神武關聖大帝雍正五年追

封關帝三代 光昭公 裕昌公 成忠公製造神牌供奉

後殿七年

詔春秋二仲諏吉及仲夏十三日前後殿俱歲二祭乾隆二

十二年加

封靈佑二字六十年

詔供奉關帝神位及扁額內有

勅封字樣者殊非敬神之道著節去嘉慶十八年加

封仁勇二字所有神牌敬書忠義神武靈佑仁勇關聖大帝

道光八年加

封威顯二字咸豐二年廣西巡撫鄒 奏請加

封護國一字三年河南巡撫陸 奏請加

松滋縣志

卷之二 建置志

三

封保民二字六年兩廣總督葉廣東巡撫柏 奏請加

封精誠一字七年河南巡撫英 奏請加

封綏靖二字所有神牌敬書忠義神武靈佑仁勇威顯護國

保民精誠綏靖關聖大帝七年奉

諭旨關聖神牌改寫關聖帝君 咸豐四年奉

旨關帝升入中祀添設舞佾加

封關帝曾祖爲光昭王 祖爲裕昌王 父爲成忠王歲春

秋二仲五月十三日告祭後殿各祝文俱行更換其

牲牢酒醴籩豆簠簋諸祭品均如文廟辦理七年奉

上諭關聖帝君福佑我朝威靈顯著前已升入中祀備極褒崇茲朕親書萬世人極扁額著造辦處成造一分恭懸京師地安門外關帝廟所有各直省府州縣關帝廟著御書處摹勒頒發一體懸挂其墨筆俟摹勒完時由軍機處發交山西巡撫委員賫送解州關帝廟收藏以昭誠敬欽此

春秋祭陳牛一羊一豕一豝一登一剩二簠簋各二盞豆各十鑪一燈二殿中設一案少西北向供祝版東設一案陳禮神制帛一色白香盤一尊一爵二牲陳於俎

松滋縣志

卷之二

建置志

三

帛實於篚尊實酒罍勺具設樂於西階上鼓一笙一管二雲璈

一籩二板一設洗於東階上承祭官拜位在階上正中質

明朝服詣廟由廟左門入至階盥手就位迎神樂作入殿左門就案前上炷香三上瓣香畢復位行三跪九叩禮興奠帛爵行初獻禮司事各進至神位前奠篚於案三叩興司爵獻爵於案正中各退司祝詣祝案前跪三叩興捧祝版跪案左樂暫止讀畢興以祝版跪安於篚叩如初承祭官行三叩禮興亞獻獻爵於左終獻獻爵於右均如初儀復位徹饌送神行三

跪九叩禮興樂止捧祝帛香饌以次送燎承祭官詣
燎位視燎禮畢樂止皆退五月十三日祭陳牛一羊
一豕一果實五盤鑪鐙具不設籩豆餘陳設及行禮
儀節同

後殿同日祭每位前設一案各陳羊一豕一釧二簋
籩各二籩豆各八鑪一鐙二殿中設一案供祝版東
西各設一案分陳禮神制帛三色香盤三尊三爵九
俎篚幕勺具設洗於後垣門內甬道東承祭官位殿
簷下正中質明由前左門入後垣中門盥手升階就

松滋縣志

卷之二

建置志

三

位迎神詣正位前上香畢以次詣左右位上香復位
行二跪六叩禮初獻讀祝如儀餘儀均如前殿五月
十三日每案陳羊豕各一果實五盤不設籩豆餘品
及儀節並同

大清通禮會典
禮部則例

咸豐四年頒發樂章新譜春祭夾鍾清均倍應鍾起
調秋祭南呂清均倍仲呂起調

迎神樂奏格平之章

懿鑠兮焜煌 神威靈兮赫八方偉烈昭兮累禋祀
事明兮永光達精誠兮黍稷馨香儼如在兮洋洋

初獻樂奏翊平之章

英風颯兮 神格思紛綺蓋兮 龍旂斄桂醕兮 盈卮

香始升兮 明粢惟降鑒兮 在茲流景祚兮 翊昌時

亞獻樂奏恢平之章

觴再酌兮 告虔舞干戚兮 合宮懸歆苾芬兮 潔蠲扇

巍顯翼兮 神功宣

終獻樂奏靖平之章

鬱鬯兮 三申羅邊豆兮 畢陳儀卒度兮 肅明禋 神

降福兮 宜民宜人

松滋縣志

卷之二 建置志

五

徹饌樂奏彝平之章

物惟備兮 咸有明德惟馨兮 神其受告徹兮 禮終

罔咎佑我家邦兮 孔厚

送神樂奏康平之章 其一

幢葆葳蕤兮 神聿歸馭鳳軫兮 驂虬駢降烟煜兮

餘飜馡願回靈盼兮 德洽明威

望燎樂奏康平之章 其二

焄蒿烈兮 燎有輝 神光遙矚兮 祥雲霏祭受福兮

懋典無違庶揚駿烈兮 永奠疆畿

欽定前殿春秋二祭祝文

維年月日官某致祭於

忠義神武靈佑仁勇威顯護國保民精誠綏靖關聖
帝君神位前曰惟 神星日英靈乾坤正氣允文允
武紹聖學於千秋至大至剛顯神威於六合仰聲靈
之赫濯崇典禮於馨香茲當仲春用昭時饗惟祈昭
格克鑒精虔尚饗

欽定五月十三日告祭祝文

維年月日官某致祭於

松滋縣志

卷之二

建置志

三

忠義神武靈佑仁勇威顯護國保民精誠綏靖關聖
帝君神位前曰惟 神九宇承庥兩儀合撰崧生嶽
降溯誕聖之良辰日午天中屆恢台之令序聰明正
直壹者也千秋徵胙饗之隆盛德大業至矣哉六幕
肅馨香之薦爰循懋典式展明禋苾芬時陳精誠鑒
格尚饗

欽定後殿春秋二祭祝文

維年月日官某致祭於

關帝之

會祖光昭王 祖裕昌王 父成忠王曰惟王世澤
覃庥令儀裕後靈鍾河嶽篤生神武之英誠溯淵源
宜切尊崇之報班爵超躬桓而上升香肅俎豆之陳
茲際仲春秋爰修祀事尙祈昭鑒式此苾芬尙饗

欽定後殿五月十三日告祭祝文

維年月日官某致祭於

關帝之

會祖光昭王 祖裕昌王 父成忠王曰惟 王迪

德承家累仁昌後崧生嶽降識毓聖之有基本本水

松滋縣志

卷之二

建置志

三

源宜推恩之及遠封爵特超乎五等馨香永薦於千
秋際仲夏之屆時命禮官而將事惟祈昭格鑒此精
虔尙饗

文昌廟在縣治東初邑中未建專廟春秋二仲祀

文昌於奎文閣地隘僅容拜跪不堪陳設遇風雨更
難成禮同治五年知縣鍾溶諭邑紳於東街買民房
創建先造正殿及拜亭甫成功旋解任去

嘉慶六年奉

上諭文昌昭關帝例列入祀典一切儀注祭品均與祭關廟

同是年又奉禮部奏准文昌帝君三代姓名查無確據未便請加封號謹擬增設牌位一分牌位面書文昌帝君先代神位官司遇祭期照關帝廟後殿祀典致祭咸豐七年奉禮部奏准文昌帝君升入中祀春秋二祭俱著人吉舉行致祭前期齋戒二日二月初三日聖誕卽照關帝聖誕禮節一切禮儀祭品樂章祝文應行酌改均照中祀一體辦理

春秋二祭祝文

維年月日官某致祭於

松滋縣志

卷之二

建置志

三

文昌帝君神位曰惟

神道闡苞符性敦孝友並行並育德侔天地以同流乃聖乃神教炳日星而大顯仰鑒觀之有赫示明德之惟馨茲當仲春用昭時享惟祈

歆格克鑒精虔尙饗

後殿祝文

維年月日官某致祭於

文昌帝君先代神位曰教詒式穀垂抑邪扶正之規禮重升馨著崇德報功之典載稽譜牒祇肅苾芬惟

文昌帝君學裕本源道參位育緬馨香之至治久極
尊崇申報享之隆文宜昭誠敬聿升中祀式舉上儀
於戲德迪前光十七世仁恩普洽慶餘積善億萬年
文運長新敬布明禋尙祈
昭鑒尙饗

二月初三日祝文

維年月日官某致祭於

文昌帝君神位曰惟

神功參橐籥撰合乾坤溯誕降之靈辰三台紀瑞度

松滋縣志

卷之二

建置志

三

中和之令節九宇承暉若日月之有光明闡大文於
宇宙如天地無不覆載感至治於馨香爰舉上儀敬
陳芳薦明禋罔斁 神鑒式臨尙饗

二月初三日後殿祭文

維年月日官某致祭於

文昌帝君先代神位曰惟

文昌帝君道備中和神超亭毒稟貽謀而允紹欽毓
聖之有基雲漢昭回際嶽降崧生之會馨香感格興
水源木本之思式肇明禋用光彝典尙祈 神鑒享

此清芬尚饗

文昌廟樂章春夾鍾清均倍應鍾起調秋南呂清均
仲呂起調

迎神樂奏丕平之章

秉氣兮靈躡翊文運兮赫中天蜺旌兮戾止雕俎兮
告虔迓 神麻兮於萬斯年

初獻樂奏俶平之章

神之來兮遵筮式陳 神之格兮几筵式親極昭彰
兮靈貺致蠲潔兮明禋升香兮伊始居歆兮佑我人

松滋縣志

卷之二

建置志

三

民

亞獻樂奏煥平之章

再酌兮瑤觴燦爛兮庭燎之光中虔禱兮神座儼陟
降兮帝旁粢醴潔兮齋遯將綏 景運兮靈長

終獻樂奏煜平之章

禮成三獻兮樂奏三終覃敷元化兮繫神功馨香達
兮肸鬻通歆明德兮昭察寅衷

徹饌樂奏懿平之章

備物兮惟時告徹兮終禮儀 神悅懌兮鑒在茲垂

鴻佑兮累洽重熙

送神樂奏蔚平之章

其一

雲駢駕兮風旂招

神之歸兮天路遙瞻翠葆兮企

丹青願迴靈眷兮福我

朝

望燎樂奏蔚平之章

其二

烟熅降兮元氣和

神元燭兮梓潼之阿化成耆定

兮棗弓戢戈文治光兮受福則那

附

文昌閣之祀於鄉者二一在岳龍山咸豐八年建一

在朱家鋪同治四年建

松滋縣志

卷之二

建置志

三

城隍廟在縣治西明成化間建乾隆己丑知縣姜起灤

重修嘉慶戊寅知縣王有壬重修道光丙午知縣陸

錫璞重修并階前慶祝臺

唐令天下通祀城隍各立廟宋時城隍有姓名明洪

武二年加以封爵京都爲承天鑒國司民昇福明靈

王開封臨濠太平和州滁州皆封王其餘府爲威靈

公州爲靈佑侯縣爲顯佑伯三年詔去封號第稱某

府州縣城隍之神每歲春秋仲月合祭於風雲雷雨

山川壇厲祭則前期詣廟祭告至日黎明迎神主之

水旱災眚必先牒告乃禱於壇縣官蒞任必先致祭於廟朔望展謁行二跪六叩禮

龍神祠邑無專祠神牌供 關帝廟東廡

歲春秋致祭用羊一豕一及諸祭品主祭官朝服詣祠僉祝盥洗就位迎神進香奠帛讀祝三獻畢送神行二跪六叩禮

欽定祭文

惟 神德洋寰海澤潤蒼生允襄水土之平經流順軌廣濟泉源之用膏雨及時績奏安瀾占大川之利

松滋縣志

卷之二

建置志

三

涉功資育物欣庶類之蕃昌仰藉 神庥宜隆報享謹遵祀典式協良辰敬布几筵肅陳牲幣尚饗

劉猛將軍廟在城隍廟東偏

雍正二年兩江總督查題請

封揚威侯令州縣建廟歲以正月十三神誕日冬至後第三

戊日致祭與八臘同乾隆十二年停八臘獨祀將軍至期主祭官行一跪三叩禮

咸豐七年加

封保康二字同治五年加

封普佑二字

欽定祭文

維年月日官某致祭於

保康普佑劉猛將軍之神曰惟 神夙昭勇略懋著

靈威功殄螟蝗惠周原隰肅明禋而備物兆嘉貺於

豐年維茲誕辰謹以牲帛醴盞用伸虔祭尚饗

按附錄神名永忠吳川人元末授指揮使嘗揮

劍驅蝗蝗飛境外元亡自沈於河因封今號怡菴

雜錄宋江淮制置使劉錡一作宋將劉錡弟劉銳理宗時驅

松滋縣志

卷之二

建置志

三

蝗封揚威侯天曹猛將之神二說不同會典主降

靈錄故神牌仍題劉猛將軍

火神廟在治西城隍廟左

古祀大辰以關伯配後世因之祀為貴神大辰即大火關伯陶

唐氏之火正宋封宣明王 康熙二年定每歲六月二十三日例祭

司火之神至期黎明主祭官朝服詣廟僉祝盥洗就

位迎神進香奠帛讀祝三獻畢送神行二跪六叩禮

欽定祭文

維年月日官某致祭於

司火之神曰惟 神位正南離權司長夏六府修而
功成既濟四序紀而用在明時佐烹飪以攸資人安
耕鑿歛煙光而無警戶樂熙恬荷 神貺以清甯潔
明禋於牲醴尚饗

忠義孝悌祠在教諭宅左乾隆五十一年重修嘉慶甲
戌重修

春秋祭文某官致祭於

忠義孝悌之靈曰惟 靈稟賦貞純躬行篤實忠誠
奮發貫金石而不渝義聞宣昭表鄉閭而共式祇事

松滋縣志

卷之二

建置志

三

懋彞倫之大性摯莪蒿克恭念天顯之親情殷棣萼
模楷咸推夫懿德 綸恩特闡其幽光祠宇惟隆

歲時式祀用陳尊範來格几筵尚饗

節孝祠在治東奎文閣側

春秋祭文某官致祭於

節孝之靈曰惟 靈純心皎潔令德柔嘉矢志完貞
全閨中之亮節竭誠致敬彰闈內之芳型茹冰蘖而
彌堅清操自勵奉盤匱而靡懈篤孝傳徽

慈綸特沛乎殊恩祠宇昭垂於令典祇循歲祀式薦尊醪

尚饗

禹王宮

在文公山前

南嶽廟在縣東南三里秀峯山久廢一在袁家畝

東嶽廟在洋溪市東

馬王廟在縣署東偏縣前驛內

漢景帝廟在麻山相傳劉先主嘗奉景帝木主寄饗於

此因立廟

毛灘廟在縣東二十里祀漢昭烈帝久廢

灤口廟在縣東灤口祀漢岑彭

詳古蹟

松滋縣志

卷之二

建置志

三五

文公廟在縣南九十里文公山額曰文公講學處

胡安定公祠在學宮內祀宋儒胡瑗今廢

洪公祠在治西為知縣洪範立

王公祠在縣東門內為知縣王繼康立今廢祀石像於

仁威觀內

陸公祠在縣北門內為知縣陸錫璞立

庫神祠在縣署內

奎文閣

一名登雲樓

在文廟東南閣凡三層中為文昌像上

為魁星像乾隆初典史張銳創建二十一年邑拔貢

龐洵倡捐重修道光二十一年知縣杜鳳梧諭邑紳勸募重修

寺觀 附

開利寺在縣治東門內唐建康熙時重修以後屢修置有香火田紀於碑

江亭寺康熙十三年乾隆十九年重修

苦竹寺

見十景類

宋政和初剏建元末燬明洪武時重建後

圯正德四年重修邑舉人王之相有碑記康熙六年重修乾隆二十七年續修邑舉人李志宏有碑記咸

松滋縣志

卷之二

建置志

三

豐丙辰寺燬於兵燹竹蔚然無傷損衆異之醵錢修寺壯麗如故

磬壽寺在縣南史家坪相傳爲南梁時廟康熙間邑進士楊禹傳募修疏云唐乾道中湘州道遵禪師飛錫雲遊化一袈裟地遂寺焉後真歇了公更拓宏規適大金溪有流磬來迎置寺中故名磬壽明洪武正德間邑人張氏重修後因兵燹寺燬康熙戊戌住持僧募化重修其寺中殘碣有云山川環結風氣攸萃水光樹影之中樓閣虛明軒窗幽潔香風時來雨花未

掃此齊梁文體識者尙克辨之

空園寺 在縣東三十里宋建

月嶺寺 今廢

靈濟寺 詳十景

臨湖寺 明宏治間建

報恩寺 在縣東三十里明建

陽陂寺 明天啟間建

聖安寺

貳聖寺 在陳家場

松滋縣志 卷之二 建置志

澤溪寺 明成化間建

普安寺

泉水寺 唐貞觀間建

靈鷲寺

龍伏寺

石牌寺

明果寺

棲雲寺

大林寺 舊名寶月寺

虎首寺

觀音寺

在麻家湖

城浮寺

一名鐵佛寺
明正德初建

清音寺

廢

高堂寺

九龍寺

在九龍山
明萬歷間建

祿馬寺

會聖寺

廢

陡山寺

松滋縣志

卷之二 建置志

龍泉寺

廢

鷄鳴寺

相傳仙人於平地一
夜構造鷄鳴而成

黃龍寺

在黑石溪

寶教寺

廢

崇福寺

安慶寺

明天啟
間建

嶮嶠寺

明萬歷
間建

洪山寺

康熙
時修

靈隱寺

在土角泉旁古樹
數百株圍繞寺側

慶賀寺 明建

戒香寺

筆架寺 疑卽唐碧澗寺 俗語訛爲筆架

西來寺 康熙時建

普濟寺 廢

耆閣寺

報國寺 康熙時建

馬鞍寺

金鷄寺

松滋縣志

卷之二 建置志

三

千華寺

岳龍寺 在朝陽山 康熙時建 嘉慶道光間二次重修

香山寺 在煖市

華嚴寺 在麻山

青林寺 國初建

雨壇寺 在西望坪

靈鐘寺 在上八都嘉慶二十年建 因是年六月汎漲燈盞窩隄幾潰 居民搶築莫能抵禦 先是隄外有

廢鐘衆夫舁至塞漏隄獲保固 舉人郭定綱生員劉全俸倡首建寺 遂名靈鐘

鎮江寺 在紙廠河北 國初建 嘉慶十三年二次重修 水圯同治五年重修

白泉寺

普興寺

明尚書張純建內有鐵象洗馬池攔馬隄等蹟猶存

河清寺

在河心岡

報德寺

在牛頭岡

團山寺

仁威觀

一在縣治東門內明正統間建一在縣南街河市

五龍觀

在施家場

東嶽觀

康熙時建即金沙道

一柱觀

詳古蹟今建一殿

松滋縣志

卷之二

建置志

罕

星辰觀

廢

飛僊觀

詳古蹟康熙間重修

佑聖觀

在佑聖峯

同仁觀

明宏治六年建

雞龍觀

紫陽觀

朝陽觀

在縣南五十里

上清觀

在河沙橋

回龍觀

天星觀 在天星山

雲臺觀 在雲臺山東晉建

舞龍觀

元龍觀 在竺園寺山

沙道觀 明建

玉皇廟 在橋磴河西南

金柱廟 在水洞坪

河南廟 在石子灘南

薛家廟 前名鳳棲禪林

松滋縣志 卷之二 建置志

河北廟 在石子灘北

毛家廟 在古牆南三里相傳唐鄭甯王故址毛僧即其地修廟故名

高山廟 在周姬橋西

火官廟 在劉市新修

白衣菴 在縣治東關外

紙廠菴 在紙廠河

福允菴 康熙四年建在冉溪橋

大悲菴 初名岱輔廟經明末兵燹後重建改今名

龍盛菴

在祠堂岡

高家菴

昔名龍骨寺

觀音閣

在團嶺譚國明重修

觀音菴

在縣南萃雲山蘇芳藻蘇亮州胡翰池重建

